



Aqqalu C. Jerimiassen

EM 2020/118&180

Atassut

27. oktober 2020

Utoqqalinersiaqarneq pillugu Inatsisartut inatsisaannik nr. 20, 23. november 2015-meersumik UPA2021-imutallanngortitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaallilluni pisortanit utoqqalinersianik pisartagaqarsinnaaneq 66-inik ukioqalernermit pisussanngorlugu allanngortinneqarluni.

(Partii Naleqqap Inatsisartunut ilaasortaatitai)

Kalaallit Nunaanni utoqqalinermi pensionisiat tunngaviusumik aningaastraata Qallunaat Nunaanni utoqqalinermi pensionisiat tunngaviusumik aningaastraannut Qallunaat Nunaannilu soraarnerussutisiamik aaqqissuussinerup nalimmassarnissaanut Naalakkersuisut UKA2021-mi siunnersummik saqqummiusseqqullugit peqquneqarnissaat pillugu Inatsisartuni aalajangiiffigisassatut siunnersuut.

(Inatsisartunut Ilaasortaq Peter Olsen, Inuit Ataqatigiit).

Utoqqartagut inuuttakkaluttuinnarput, ila tamanna qujanaraluaqaaq, taamaattorli soorunami tamannguatta kinanngungaluarutta kinarsuungaluarutta utoqqalisussaavugut, sulisinnaassutsikkulumittaqaq killissaqarpugut, piniinnarsinnaanngilagut sapilereerluta.

Utoqqartatsinnut ajoraluartumik maanna nunami maani atungassaqartitsinerput naammaginangitsumik inissismavoq, tassami ukiorpssuarni sulilluarlutik nunatsinnut kiffartortuusimasut ataaqqinartumik utoqqalinissaat pingartuuvoq.

Qanoq inuunerme atungaqarsimaneq ilutingalugu soorunami utoqqalisartortagut assigiinngeqaat, ilaqpugut 80-inik ukiullit 60-inik ukiulinniik inuusuppasinnerusut aalalluarsinnaasullu. Taamaattumik inuup qanoq pisinaasaqarnera malillugu utoqqalinersiaqalersitsisarnissaq isumassaasinnaavoq pitsaasoq.

Peqqissuseq ilaatigut uani eqqartorneqarpoq, utoqqartarpassuaqarpugummi suli peqqinnissaqarfimmit ikiorneqarinnaanissalaruaminnit utaqjisunit, imaluunniit ajoqueteqarsimannngikkaluarlutik angerlartiinnarneqaqattaartarsimancerup kinguneranik inuunerme sinneranik arlaannik kingunerlutsilsersimasunik. Taamaattumittaarlumi Atassummiik ilaatigut siunnersutigisatsinni ilaavoq, peqqinnissaqarfitta naalagaaffimmuit

angerlaateqqinnejnarallartariaqarnera, tamannattaarlumi utoqqartatta peqqissuuinnarnissaannut ilaatigut aallaveqartutut taaneqarsinnaavoq.

Nukippasuit nunatsinni maanna atorpagut namminiilivinniapiroernermut, tamaattorli uani siunnersuusiarineqartumi Partii Naleqqap saqqummiussaani namminerlusooq oqaluttuartutut ippoq, qanoq inuaqatigiittut aningasaqarnitsigut piareersimaniarnikkut artorsartigisugut nunami maani utoqqartatta allaat atungassarititaat pitsanngorsarniarnerinut ilaatigut ajoraluwartumik kukigut takineeqisaattariaqalersimallugit aningaasaq eqqarsaatingalugu.

Utoqqalinersiaqalertartortagut suli sulisinnaalluartutut misigisimasut ilanngartuunneqaratik suliinnarsinnaajuarnissaat Atassummiik anguniangariuarparput, tassami inuk sulerusuttoq killilersorniarsinnaannngilarput sulerininnguisigut tamatigut pillarlugu.

Taamaattumik siunnersuut una arlaatigut soqutiginaateqartipparput, 66-iniitiinnarneqarsinnaanera pisariaqartitsisunut soorunami uparuarfissaqartinnangu.

Taamaattorli imannak Atassummiik siunnersuuteqarusunnerussaagut, utoqqalisortagut nalilersortigit qanoq sulisinnaatiginersut suli, inuttaa soorunami suli sulilluarsinnaasutut misigisimappat aporfilersornangu qujarullugu piumassuseqarluni suliumammatt, sulili taama utoqqaatigileratik inuunermini atungassarititasut sulerulussimanerillu kinugunerinik nungusimaqisut ataqqillugit ukiuni soraarninngorfissaannik tulluuttumik periuseqartoqartariaqartoq Atassummiik isumaqarpugut.

Siunnersuutit marluusut tamarmik utoqqartatta pitsaanerusumik toqqissinartumillu utoqqalisinnaanissaannik siunnerfeqarnerat takuneqarsinnaavoq, tamannalu Atassummiittaaq uparuarnartussaqartinngilluinnarparput, tassami utoqqartagut ataqqinartumik qaqgukkulluunniit pissuseqarfingisartussaasariaqaratsigit qujassutissaqarfingatsigit aalajaallutik sulisimasortaat.

Nunatsinniit Qallunaat nunaannut utoqqaliartorlutik nuuttartut sapinngisarput tamaat unitsinniangassaraangut, innutaqaqtigummi nunatsinni paariinnarnissai pingaartuummat.

Ajoraluwartumillu utoqqalinersiassanut katersisimasorpassuarnut qiimmassaataanngivissimavoq naalakkersuisooqatigiusimasut 2016-imik 2018-imut PFA Soraernermet katersisimasorpassuit katersaannik 45%-imik tilliffigimmatikkit. Tupinnarpallaarunnaarpoq ilaat nunatsinniiginnarnissaminnut piumassusaarullutik kamassaqalernerat, ukiorpassuarnimi aalajaallutik sulinermikkut NAMMINNEQ KATERSAAT tillinneqarmata.

Siunnersuutit aappaani Peter Olsen-imit saqqummiunneqartumi, aallarniutaasumik oqaaserisaa isumaqatigingaarparput, tassalu Nunatsinni utoqqalineq toqqissisimanartuussaaq. Imaassanngilarmi nunatsinni utoqqalineq aarlerinartuussaaq, maannami akitsuusersuillammannik siuttoqartilluta suli ernumarsiartortuassangami qanoq nunatsinni utoqqalinissaq nakernartigissanersoq.

Taamatut oqaaseqarluta siunnersuuteqartut Atassummik qutsavigaangut siunnersuullu ataatsimiitsitaliamut innersuullugu.